



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

17. De applicatione sensuum.

[urn:nbn:de:hbz:466:1-47032](#)

riamur saepius, persicile nobis esse affectu, & vix vlla ratiocinatione sanctis cogitationibus occupari: ita vt pio motu protinus cor�ptis, vix vlla abundantiore materia sit opus; consultius tanien est, Beati Ludouici Gonzagae exemplo, sedulio se preparare: sic enim exercetur pietas, humilitas non sibi sed Deo fidens conseruatur, & ad orationem cum ea, quae Deo debita est, reverentia acceditur. Astus est, fraudulenterque decipientis dæmonis calliditas, qua nos ab hac præparatione auerrit, persuadens, frustra id tempus teri, cum una res obiecta sufficiat in totum meditationis tempus, aut cum s̄ep̄ id meditati simus, & materiam de memoria teneamus: melius fore si aliud aliquid egerimus: sic facilè cedimus, & malè cedunt omnia: vixq; aliam crebriorem, & ad plures pertinentem causam reperies cur elanguida, otiosa, infruetiosa reddatur oratio, quamquid ea, quae deberet, præparatio non adhibetur. Indeque forsitan non malè idem docemur, quod non casu, sed omnia ordinantis Dei consilio factum est, ut lingua sacra, ieiuna quidem illa, & in eloquendo sterili, at secunda sensibus, eadem dictio **W^{TP}**, quæ sanctificari & sanctum esse significat, eadem quoque significet destinare, segregare, consecrare, ab usu profano semouere, ad Dei cultum aut usum seponere, accommodare, certoque ritu præparare: quasi si sanctitatis & præparationis rationes tam insolubili nexu iuncte cohæreant, ut neutra possit ab altera sciungi, profanusque sit futurus qui animum ad profana profuderit, sanctus vero qui ad sancta sollicitate compararit, imo & sanctitatis modum, pro apparatus modo sit consecuturus. quippe nobis cum tam copioso & liberali largitore res est, ut quam ad accipiendum parati, tam sit ad effundenda maiora dona propensus. Probare possem, sed quid opus est te ego, quisquis hæc lectorus es, pertuam salutem, per Christi viscera compello, probatu ipse, periculum fac, te ipsum vince, vim torpori infer, diligenter & constanter ad orationem te compara, & nisi hæc vera compereris, tum vero plani & impostoris mihi crimen impinge.

C A P V T XVII.

De applicatione sensuum.

EX ijs quæ de meditatione dicta sunt, iam nobis expeditius fuerit, ea quæ resonant perstringere: isti enim prorsus innituntur, & per illam, ad reliqua summa omnia, facilis patet aditus.

Et quidem applicatione in sensuum nuncupauit B. P. Ignatius, prius quendam modum historica Christi Domini, atq; ad eō Sanctorum gesta, mente revoluendi, inquirendo id quodcumque sensibus excitandis esset aptum, &, ut loquitur, *quinque imaginarios sensus circa ea exercendo*. In eis enim phantasiae, & animo nostro

G g 2

vis

vis quædam, qua sensuum motiones omnes, & delectationes aut aueriones, ipsa sibi possit effingere, illisque haud multò secùs, quām præsentibus tangi ac permoueri: quam vim ad hoc orandi genus quando conferimus, quærimus imaginariè videre quidquid de re illa sancta, quam nobis quasi præsentem fingimus, videri potest; audire, quod audiri; olfacere, gustare, quod olfici: & gustari; tangere denique quidquid tangi potest, ut veltimenta, loca, & quidquid decorè fingitur. In quam rem ea sunt apta omnia quæ propriè sensus feriunt, ut lumen & color oculos, soni & voces, aures, odores, odoratum; sapores, gustum, tactum verò feriunt calor, frigus, siccitas, humor, graue, leue. Sensuum quoque luntatura, magnitudo, motus, quies: distantia, vicinitas, situs, continuum, interrupi, asperum, læue, molle, durum, transparés, opacum, liquidum, solidum, pulcrum, turpe, simile, dissimile: de quibus vide nostrum Riccium p. 2. tract. 7.

Interdum, sed rariū, quinque sensuum singulorum exercendorum materiam aptam reperies, ut in meditationibus quæ de incarnatione, natiuitate, passionibus, peregrinationibus, & passione Domini sunt: interdum cuius, ut olfactui, & gustui, sua deerit aptior materia; tum autem & erit in ceteris diutissim inhærendum, & ratiocinando ad quandam odoris & gustus similitudinem mēs nostra traducēda, interiorē, quæ B. Patris verba sunt, *gusto & olfactu sentiendo, quaerat suauitas & dulcedo, diuinitatis anima, eiusq; virtutum, ac ceterorum omnium, uita rationem personæ quam consideramus.*

In harum autem incorporalium rerum gusto & olfactu, cùm sit per difficile odorem à sapore seceruere, ne in his parum utiliter distinguendis multum laboretur, B. Pater simul, utrumque coniunxit: atque isto modo passim & vulgo, plares uti conuenit. Nil tamen impedit, quin ex varia horum sensuum functione, distinctam quandam vim delectabilem in rebus eiusmodi discriminare possumus: nam si rectè philosophabimur, odor nobis lene quoddam delectamentum affiat, quod nos nulla naturæ necessitate detinet, nulla grauiore virilate afficit, at allicit, at blāditur, & lenissimè demulceret; gustatus verò, vita nostræ, valetudini, & reficiendis viribus est magis necessarius, & quæ per illum percipiuntur, longè acriū vel obsunt vel prosunt. Iam ergo in diuinitate, in anima sancta, in virtutibus, in persona Iesu Christi Domini nostri, Beatae Mariae, & Sanctorum, quedam eluent quæ splendore, a nobilitate, modestia, decoro suo, non aliud quām leniter nos alliciunt, suauique oblatione perfundunt; hæc ego odori comparauerio, putemque odorati virtutem, non aliud esse, quām placida quadam quiete persentiscere, quām suavis & accepta sit. At verò gustatio virtutis est, cùm in ea fortiores quædam deliciae sentiuntur, quibus ita mens quodammodo ebriatur, vel virtutis ac sanctitatis contuitu absorbetur, ut sine infinitatis oblitia nouas vires induere, meliora multa persequi sit parata. hoc profectò sancte gustare, hoc est istiusmodi virtute exemplo quæ fulciri, hoc denique nutticatione laudatissima mentem suam æternæ vitæ consecrare. Itaque quod val-

validius, quod robustius, quod magis vitale est, quod ueruos vel virtuti addit, vel vicio incidit, hoc ego ad gustatum cibatumue referre maluerim: quod verò lenius, blandius, delectabilius arrideret, atque ad se molliter inuitat, id verò ad odoratum & olfactum proprius attinere putem. Que animaduersio id etiam obiter docet, ut in rebus & tactis cum sanctitate coniunctis, horum utrumque queramus, nempe ut ex eis lenis quidam & iucundus personarum aut rerum sanctorum sensus exciterit: atque inde cooptiamur vegetiores, perceptaque atque imo animæ nostræ finū, quasi ventriculo, digestæ, & quodammodo incocta sanctitatis succo nos reficiamus, vires instauremus & augeamus, animique vitam beatæ immortalitatini trixiamus. Verum tamen si cui, & si quando minus erit promptum, hoc utrumque distingui, nihil admodum vigeo; potest eodem numero id omne censere, satis id fuerit, si se utiliter exercuerit.

Non est autem huic orandi generi certus aliquis finis, ad aliquam virtutem, piumue affectum propositus, sed per totam rem aliquam gestam, quasi per amplum quendam & amicum, varieque consitum hortum vagatur, & sensus animi oblectat, veluti si in horro illo modò fructus rosæque manu carperet, modò naribus admoueret, gustaret poma, gratos lenè fluentium riuiolorum susurros audiret, vermiculatos plurimorum florum colores miraretur: eodem nonnumquam momento temporis multigenam varijs sensibus delectationem hauriret, abrumperet nonnumquam, abruptamque reuocaret, reuocaram paulò post alijs commutaret, & sic multipliciter alternando grata viciu-dine sensus illuderet. Ita planè nobis hic agendum est, sit nobis in ista areola, in ista horti & viridarij, sancta ea quam spectamus historia, sit personarum, sit virtutum, rerum, euentuum varia & implexa quedam series, sua non desint diuerbia, motus, expectationes inopinæ & anxiæ: tum verò si probissimè regestæ ordinem ac partes omnes tenemus, in eam ingrediamur, serioque ut si sub oculos nostros id perageretur, partes omnes, partiumque singularum circumstantias, tam quæ fuere, quam quæ probabili conjectura esse potuere, perscrutemur, curioseque & cupidè singuli sensus quid suum sit à singulis hauriant, tumque re ipsa tentiemus quam iucundum sit hoc exercitium, & ad maiora nos præparet.

Vult autem Beatus Pater ut illa iucunditas vtilitate conditatur, neque tantopere delectemur alienis, ut nostri memores non simus: itaque præcipit è singulis vtilitatem nostram elici, omnia in usum nostrum attrahi, adaptari nobis que fratum aliquem afferre possint, ut fiat nobis deuotionis, vel boni cuiuslibet spiritualis maior accessio, ita ille.

Cetera quæ hac de re desiderari possent petantur è cap. de Memoria, videaturque ut summa & accurata veritatis, probabilitatis & decori ratio habeatur. In ipso verò ysu, variè sensus misceri possunt, ut interdum ab eis quæ sunt visus,

visus, interdum ab eis quæ sunt auditus, vel aliorum inchoetur, tum deinceps ex uno in aliud sit frequens transsultus, non alia quam rerum ita postulantur, & seruata.

C A P V T XVIII.

De contemplatione.

Quid sit contemplatio, & quomodo à meditatione distinguitur, videtur vel solo nomine præferri: quippe contemplari, est attentius contueri, & contemplatio quidam est contentior intuitus, qui (quantum ad rem nostram facit) in res diuinæ, aut sacras, quasi in conspectu diuinæ maiestatis, ex aliquo sacro fine perdurat, fermeque admiratione atque amore continetur. Ergo contemplantis animus, quasi obtutus in uno defixus hæret, eiusdemque perfectio-
nis ac pulcritudinis ardenti amore absorptus, ab ea non recedit, videt, nec vi-
dendo satiatur, & quo penitus videt, eo magis ad videndum inardeat! Cùm
ramen meditatio ratiocinatione ex uno in aliud feratur, & rebus aut affectibus
varijs inquirendis, cum labore inuigiler.

Est autem duplex contemplatio, perfectior una, altera imperfectior: imper-
fectior est, quæ mysterium aliquod, vel virtutem, aut personam paulatim par-
titeq; contemplatur, modò hanc, modò illam partem amore dignam contem-
plando vel admirando. Quod contemplationis genus, ad applicationem sen-
suum proximè accedit; quippe velut illa, paulatim ex uno transit in aliud; ab ea
verò recedit, quidam applicatio sensuum ea omnia & sola vestiget, quæ sensibus
mouendis apta sunt, contemplatio verò his omissis alia præstantiora se etatur, in
personas, in res, in honesti, decori, perfecti, rari, admirabilis, occulti, iusti, xtemi,
& eiusmodi formas intuendas abripitur.

Perfectior verò contemplatio vel tantam varietatem non amplectitur, vel
eam totam uno quasi lucis radio collectam comprehensamque speculatur: hoc
autem facit, dilatione quadam liberrimè circumquaque diffusæ mentis, multa
simil eodem contuitu complectentis. Quod profectò donum Dei singulare
est, cor dilatantis, sapientiam donantis, intellectum scripturarum & mysterio-
rum infundentis; ad quod tamen meditatio frequens & sedula multum con-
ducit, tum ut id prece multa impetrare, mentisque puritate possit capere, tum
etiam ut ipsa frequentatione ad Deum accedendi illustratio euadat: etenim
non malè moniti sumus, Accedite ad eum, & illuminamini. Ac quemadmodum
si quis tabulam multa rerum varietate depictam sepius intuetur, si per ampli-
cuius ædificij partes omnes collustrat curiosius & frequentius; is facilis negotio
totius illius picturæ, totiusitem ædificij vnam sibi ideam animo repræsentet:
ita